

武甯縣志卷之四十三

武甯縣知縣粵東何慶朝纂

祥異

天人之際王者所敬叶寒燠雨暘休咎是徵粵稽古帝德契穹冥五風十雨河嶽輸靈有一不順垂象致懲恐懼修省青慝斯寢叶葦爾巖邑遭遇

昇平大化翔洽四靈充庭感召不爽昭示後人叶志祥異

漢

元和三年海昏出明月珠大如雞子圓四寸八分古今注

按舊志載大始元年誤此時武甯即海昏地

晉

武帝太康元年豫章生嘉禾按三年白雀見豫章海七年

武甯縣志

卷四十三

祥異

木連理生豫章太守蘭隸以聞按

按太康元年改西安縣為豫章縣

永興元年彩雲覆豫章甘露降麒麟見按

永嘉末豫章有大蛇長十餘丈斷道過者輒咬之吞噬百

人吳猛與弟子殺之猛曰蜀賊當平矣既而杜弼滅韓

書

按許遜傳載海昏有巨蛇遜仗劍斬之此云弟子當屬

遜

大興元年正月麒麟見豫章豫章書冬十二月豫章地震水

湧出鄭熊通志二年夏五月蝗豫章書三年春正月白鹿二見

豫章孫氏瑞應圖云白虎

咸和二年夏四月己未豫章地震鄭樵通志

太元十四年桐木連理生豫章藝文類聚冬十一月辛亥白虎見豫章豫章書

宋

文帝二十二年豫章豫甯得銅鐘江州刺史盧陵王紹以

獻豫章書 按江西考古錄鐘字係鍾釜之鍾盧陵王

大明七年二月月犯南斗第四星大魁中占曰豫章受災

豫章王子尚死宋書天文志

齊

永明五年春三月豫甯縣長岡山得神鐘一枚豫章書

唐

元和二年大旱十五年水

宋

武甯縣志

卷四十三

祥異

二

二百七十二

景祐元年八月大水

紹興四年水

二十七年大水

乾道四年旱五月秋七月乙亥龍鬪於縣西北大雨俄頃

迅雷起東南二龍奔逝墮珠於復塘村大如輪勸牧覽

所得自是連年水綏

七年首種不人大饑民食草實

八年大旱

淳熙十四年大水

紹熙四年大水

元

大德元年水

七年饑

九年六月水

延祐元年秋八月水

至順元年饑

至元元年大饑人相食

至正十年大水

十四年夏四月大饑

明

洪武元年大水暴溢

永樂十年夏四月雨至五月大水漂沒民居戶部撫卹
書

宣德八年水

武甯縣志

卷四十三

祥異

三

二百〇四

九年饑

十年大饑

成化三年旱

七年春雨大水按

十三年大旱饑民食樹皮死者無算

宏治六年大水衝廢田廬得減賦

正德元年縣治內飛火四起廬舍幾盡按

七年旱饑殍盈途

嘉靖元年大水民多漂沒饑

四年饑

五年大旱

九年庚寅七月紫芝產賓陽岡

十三年旱大饑

十九年大水

二十三年旱大饑民食樹皮死者甚眾

二十四年旱

四十一年水

四十三年水

四十五年饑

隆慶二年旱饑

萬曆十六年春大水傷麥 夏旱傷禾 秋七月雨雪

十七年旱自五月至九月始雨早晚稻俱傷民大饑疫

癘盛行

十九年大有年

武甯縣志

卷四十三

祥異

四

二百九十

二十五年水

二十六年大水自四月雨至五月初五日水入縣門邑

城民居浸頽過半男婦多漂没十八日縣南出蛟水暴

漲田禾淹沒隴畝成溪饑溺交困縣令周道昌發倉賑

拯民賴以生 秋旱

三十二年大水漂没民居溢城市東南城樓俱圯田地

淤塞民沈溺無算

三十六年大饑

三十八年大水蝗

泰昌元年十二月中旬大雪至次年二月中乃止

天啟四年四月星隕石梘聲如雷其色黑

五年夏大饑知縣徐士華議賑胥吏沮之不果

崇禎四年七月十七日夜地震十月十一夜又震省城亦如之

九年旱大饑

十年晝晦

十四年大旱

十六年火延燒城東門及民房二百餘家 又明年地震有鳥如雞數百集縣西龜山一夕飛去

國朝

順治三年大旱

四年夏大饑斗米銀八錢民多餓死

五年大有年斗米銀三分

十年四月初四日雨雹如石殺鳥獸 五六月旱 七

武甯縣志

卷四十三

祥異

五

二百〇二

月中大雨中晚稻蝗

十一年縣署王夫人祠產芝三本

十三年閏五月大水波濤中有黑物大如山自甯州沿

江而下入縣境至石溪乃沒州民李維常妻僕漂流過

此親見之 十一月民間有訛言一時男女無長幼婚

嫁殆盡

十六年旱五六兩月不雨無禾減賦十之三

十八年夏雨二越月傷禾 六七月旱中晚稻傷

康熙元年大旱減賦十之三

二年三月旱至五月初九日雨

三年大有年斗米銀三分

十七年旱

十八年旱

二十六年旱

二十七年旱

四十四年乙酉十一月廿七日城中火自看鶴橋起延燒至上坊林家巷

四十七年戊子夏秋間疫癘盛行民多死者

五十四年乙未虎嚙數十人

五十五年丙申夏四月末旬雨至五月朔洪水暴至高下田地皆沒沿江室廬殆盡小舟從女牆入城市惟縣署及盛文郁祠白馬廟未淹 秋七月虎入縣城 冬十一月虎由曹婆洞入城

雍正元年癸卯冬日大風拔木數十圍者亦起

武甯縣志

卷四十三

祥異

六

三百六十一

五年丁未夏大饑

十年壬子虎傷人無算

十一年癸丑虎噬多人

春三月十四日夜南山雨雪

乾隆元年丙辰春正月朔日彩雲覆太平山彌日乃散

三年戊午春正月初十日晝晦黑雲起西北雷隱隱不發聲屋宇林木皆震須臾大雨雹長樂鄉大田沙灣上戴諸境屋發木折人竄伏如蝟魚驚沸駭麥縱橫委地禽獸多仆傷雹大者重五觔

四年己未除夕酷熱如盛夏人不能任衣搖扇揮汗農工多浴溪澗中夜半雷鳴

五年庚申春大雨雪奇寒 二月火自城中下坊起延

燒二百七十餘家

七年壬戌冬苦竹花實

八年癸亥四月大饑民食竹實 六月十三日夜明如晝蛟出茗竹港水暴漲衝廢田舍

九年甲子秋七月大旱至十年乙丑夏五月初三夜始雨雨後又旱至十月乃雨

十一年夏五月朔大水舟入城市沿江禾被傷

十三年大有年

十四年大有年

十五年三月初六日大風拔木發屋

十六年春大雨雪夏大饑

十七年春季大饑民食蕨薇及蕪 秋大有年

武甯縣志

卷四十三

祥異

七

三百三十一

二十二年丁丑冬夜城中地震

二十五年庚辰夏霍溪雨雹大者重五六觔傷屋瓦

二十八年秋稼熟

三十年乙酉荒民有食土者平糶

三十二年丁亥文仲源雨紅粒如珠居民呈獻稱瑞

三十三年戊子夏不雨知縣黃宓率同官步行四十里

抵石鑊洞禱雨 秋稼大熟

三十四年己丑麥穗雨歧

三十五年庚寅昇仁鄉水淹沒村民無數 秋冬旱麥

不能下種

四十年乙未夏大旱傷稼

四十一年丙申五月水

四十二年丁酉夏大水入城

四十三年戊戌大旱 秋稼熟

四十四年己亥荒升米二十六錢民食蕨薇饑不為害

四十六年辛丑夏旱 秋稼大熟

四十九年甲辰四月大風屋瓦飛空如飄葉

五十年乙巳夏旱縣令石讚韶循黃令故事率同官禱

兩石獲洞雨降 九月初旬雨雪傷秋稼民食蕨

五十一年丙午春荒斗米價錢三百六十文 三月清

明後六日大雪深三尺

五十三年戊申六月大水舟可入城南門城樓倒塌

八月年豐鄉三十都民雷元溥妻張氏一產三男報縣

詳奉轉請

武甯縣志

卷四十三

祥異

八

三百五十六

恩賞米五石布十疋

五十四年己酉下南鄉陳貴上妻余氏年八十歲親見

元孫五世同堂

五十七年壬子夏旱

五十八年癸丑長樂五十三都被水冲損田畝并坍塌

瓦草房屋縣令黃駿捐廉撫卹具文申報

六十年乙卯昇鄉二十都耆民葉先達 親見七代詳

奉轉請

恩賞七葉衍祥匾額

嘉慶四年九月十字街四圍俱火延燒

七年壬戌六月旱本年應完錢漕詳奉轉奏

恩旨緩征

十四年己巳下南鄉監生邱德馨妻温氏

例贈修職郎秀昆之母邑庠生英佐監生兆綸文理舉人文蔚之祖母邑廩生攀桂之曾祖母七十四歲親見元孫五世同堂

十六年辛未夏秋亢旱禾黍皆枯縣令詳奉轉奏

恩旨緩征本年未完民屯錢漕民食蕨根苦菜諸葉 冬縣東門火延燒八十餘家

十七年壬申秋太白經天

十九年四十四都民賴永松年七十四歲五世同堂稟報知縣尹作翰給慶衍曾元額

二十年乙亥昇仁鄉十八都麥穗兩岐亦有三岐者

三十都民洪啟鯉五世同堂具呈稟報

武甯縣志

卷四十三

祥異

九

四百一十

二十二年丁丑三月雨雹傷稼

二十四年己卯三月二十九都民蔣淡秋妻楊氏一產三男報縣詳奉轉請

恩賞米布照例折銀四兩九錢給領

二十五年庚辰自五月至七月不雨高下無收窮民就食他方縣令詳奉轉奏

恩旨緩征本年應完錢漕 七月廿四夜順義鄉瀧溪有農者夜守宿田間仰見天開一路簫鼓齊鳴若迎仙狀頃刻遂沒

道光三年年豐鄉傅季三年九十七歲五世同堂稟報知縣

陳雲章給康強逢吉額 北鄉汪賢浴之妻魏氏年百四歲 江陰鄉姚彩章年百有二歲俱具呈稟報

五年乙酉八月彗見

七年丁亥坊市余道鉶年百歲知縣殷思濂造廬稱觴
踰三年沒 安樂鄉任直隸饒陽縣知縣王子音之妻
勅封孺人汪年八十三歲親見七代五世同堂稟報知縣殷
思濂給熙朝人瑞又由三男瑞芝徽州經歷任所詳報
安徽學政汪守和以鶴籌燕翼額之

十年二月上南鄉三十九都監生鄒翼延年八十歲五
世同堂稟報知縣朱良翰詳奉 部題覆照例

恩賞緞疋銀兩并眉壽延慶額

十一年辛卯五月八日雷雨發蛟大水十三日更甚視
乾隆戊申高數尺近水田舍漂沒城南舟至十字街縣
令詳奉轉奏

武甯縣志

卷四十三

祥異

十

四百三十五

恩旨被災之鄉緩征

十二年壬辰旱荒穀昂甚每石制錢約二千七八百七
月廿六日平且天朗無雲有火毬隨西北方雷聲隨之
十三年癸巳疫鄉民斃者無數 瓜源淨明堂李致菴
舊隱處堂後有桐數畝及時不花既吐新榦其狀爲刀
爲鉞爲立瓜爲龍仗肖官司前列導

十四年甲午監生陳履青年八十一歲親見元孫五世
同堂

十五年乙未上南鄉石門樓張思誠年九十六歲五世
同堂稟報教諭黃潘給有九袞六齡身爲祖之祖一堂
五世眼見孫之孫十八字聯贈之 下南鄉賴玉輝之
妻鄧氏亦親見元孫五世同堂 八月蝗初自建

昌入境蔓延徧野知縣林躬率兵役出捕復捐俸募民
欠地火攻彌旬不滅忽西風暴雨詰朝遂絕

十六年丙申天雨黑黍

十九年北鄉劉宇峰之妻張氏年八十七歲五世同堂
稟報

二十一年辛丑四月二十八日地震興國瑞昌同八月
二十六日大雨雹傷粟及蕎冬月大雪冰堅如鐵死於
道者無算時年豐石良山吳楚要衝有新嫁婦乘輿度
嶺僕從失足併斃之虎亦跌死 上南鄉四十都二圖
園下余夢陽年八十三歲五世同堂具呈稟報

二十二年壬寅六月四日大風拔木下南尤甚居民田
姓數仞牆圮瓦石如飛八月四夜有白光一道與河漢
並自天市垣穿入紫微垣

武甯縣志

卷四十三

祥異

十一

四百三十九

二十三年癸卯二月八夜天西角有白氣形如練首尾
尖橫畢觜參三宿下十餘夜沒三月初十夜長樂東坑
雨雹大者尺餘殺鷺鷥數翼菜麥屋瓦皆傷

二十七年丁未年豐鄉三十二都溫湯張宗麗五世同
堂具呈稟報

二十八年戊申年豐鄉三十三都陳橋村王槐得妻程
氏年八十七歲五世同堂稟報 邑令李給齡延五世
額 本村王槐梅妻金氏年百歲 本鄉二十九都池
塘裏淡方有妻方氏年百歲 昇仁鄉十都菖蒲塘庠
生盧焰妻張氏年九十四歲五世同堂俱稟報
七月雷震文峯塔傷頂

道光二十九年五月初五大雨傾盆北岸自九宮山至昇仁鄉洞口等處水勢澎湃山裂地陷延河堤岸俱平

新增祥異

年豐鄉三十都張遠明妻陳氏年八旬五世同堂孫曾六十有二人邑令楊給瑞集德門額又楹聯云百忍九世本先型緬仁孝慈和八旬餘懇懇勤勤淑慎終身昭闡德五代一堂欣再見看元會孫子六十二煨煨炳炳斑斕繞膝迓天庥卒年九十四兒孫共百餘人
北鄉封翁黃錫環妻王氏年逾八十五世同堂邑令諸葛給有祥開五葉額

上南鄉姜敬書妻龔氏五世同堂

上南鄉葉坦吾與妻魏氏年逾七十事繼母張六十餘

武甯縣志

卷四十三

祥異

三

四百二十四

年和氣婉容人以孝稱子孫數十餘人五世同堂

上南鄉羅德三五世同堂邑令霍給熙朝人瑞額

順義鄉瀧溪鄭靜菴有孝行年八十餘五世同堂

順義鄉瀧溪鄭承汶妻黃氏年九十五世同堂

上南鄉葉松圃妻陳氏高年百歲

年豐鄉雷明遠妻曾氏壽登百歲五世同堂知縣翁給

元祝期願額

下南鄉四十三都監生邱學三妻馬氏五世同堂邑令

周給五世其昌額

咸豐二年十月彗星見

咸豐五年乙卯賊竄義甯月餘城破屍漂修江排擠而下見者無不酸鼻

咸豐六年丙辰大旱自三月不雨至八月有田百畝者絕食
丁巳飛蝗蔽天鄉人鳴金驅逐縣令冒率紳董督勇斃
以火器設局懸賞有捕蝗者過秤給值冬示民掘蝻
戊午五月大雷雨一夕盡涇

咸豐十一年辛酉五六月彗星見

咸豐十一年辛酉夜有鹿入都司署一時驚駭野猪遍佈山
間大者數百斤纍纍川走踐害山苗鄉民苦之晝夜鳴
榔以逐

咸豐十一年辛酉十二月天寒淡旬不見日色二十八日大
雪三日深五六尺月餘始消樹上鳩雀跼跼墮地死麋
鹿被雪竄入人家樟櫨等大五六圍多萎修江流水及
酒甕漉器皆冰水飴為之破泐居人至無水可汲融雪

武甯縣志

卷四十三

祥異

十三

四百〇五

以供用焉

咸豐同治年間山中多野猪不畏刀銃倏有獸行走如飛鄉
人稱為野馬野猪遇之亦躑蹠焉

同治三年二月雷震東渡塔頂

同治四年乙丑二月夜大風傾民房無算

同治八年己巳五月十二都大雨雹

冬城東門看鶴橋火延燒數十家

同治九年庚午七月北鄉南皋村猝有怪風吹折民房並雨
雹碎瓦

上南鄉監生鄒名顯與妻張氏同登大耋讀書明義素
性慷慨邑令陳給以急公勸學額孫曾輩近百人五世
同堂

順義鄉范秉元之妻徐氏年登百歲

年豐鄉戴欽明妻王氏年八十一歲五世同堂稟報給有匾

額

江陰鄉四十五都王家幹之曾祖母鄢氏年七十有八五世同堂

同堂

年豐鄉三十二都汪耀南之妻戴氏年九十一歲五世同堂

長樂鄉五十都鄉飲大賓盧蕊冰年八十歲五世同堂

同治九年七月邑西哨背周逢秀白晝爲惡獸搏噬於道有

少年從人往擊之獸躍出人立攫少年肩臙間少年奮

挺大擊獸死口尚有人肉土人謂其狀不類虎然白日

血人於牙爲民害而擱然不畏人擊可謂猛於虎矣武

甯百年所未有也

武甯縣志

卷四十二

祥異

古

武甯縣志

北鄉二十五都湯世鏗全妻余氏年俱九十歲五世同堂

上南鄉四十都周子實妻陳氏年九十三歲五世同堂

上南鄉四十都張之樾妻葛氏同治三年六月二十四日一

胎三男長紅臉次黑臉三白臉撫育月餘而夭

北鄉二十六都王浣隆妻盛氏年八十歲五世同堂稟報

邑侯魏公給有匾額

長樂鄉 例贈文林郎呂兆鰲妻劉氏太學生盛譜盛旭郡

庠生孝廉方正盛鳴之母恩貢生光熊之祖母舉人佐

周之曾祖母年九十四歲五世同堂

順義鄉切下黎瑞軒年八十七歲五世同堂

補遺

康熙戊辰四月十七日烈風大作山口張氏受禍最慘宮室

悉飄舉空中四圍牆垣飛擲如亂蓬參天大樹掣向大江去一村死者凡三十人壯者膚剝骨脫或兩臂抱頭而死幼者吹入雲間墜若瓦解其殘息尙存者十一人皆脫落跣折昏迷不省真山鄉亘古未有之奇變也邑秀才蕭露灑有烈風吟以紀其事

